



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVANA/INDLOVULENKHULU 2017

EMAMAKI: 80

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniswe TIGABA LETINTSATFU:

SIGABA A:	Siviso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(40)
2. Phendvula YONKHE imibuto ngeSiswati.
3. Cala LESO NALESO SIGABA ekhasini LELISHA.
4. Dwebela ekugcineni kwaleso NALESO SIGABA.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Kwehlukaniswa kwesikhatsi:

SIGABA A:	Emaminithi 50	
SIGABA B:	Emaminithi 30	
SIGABA C:	Emaminithi 40	
9. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi lelandzelako bese uphendvula imibuto letawulandzela.

ITHEKSTHI A**KWEHLUKANA KWABATFOBILE NAMZAMO**

- | | | |
|---|--|----------------|
| 1 | 'Njalo wena Batfobile uhlalela kukhala ngalokutsandzana kwetfu, kantsi umtsetfo wakho ufuna kutsi kube njani?' Kubuta Mzamo, lijaha lakaSukati. Phela lendvodzana yakaSukati ayikutsandzi kubangelwa umsindvo ngulentfombi lahlala nayo efulethini. Lentfombi yaMzamo nguBatfobile ibuya eveni laseSwatini. Yeta lapha eGalini ngekutewusebenta njengobe ikuso lesibhedlela salenzawo. Ingumhlangikati lonesikhatsi lesidze asebenta. Nobe nje ancuma kutihlalela yedwa Batfobile emva kwekushonelwa lijaha labetsembisene nalo umshado eminyakeni lemibili leydula, kufika kwaMzamo emphilweni yakhe kwenta kutsi agucule umcondvo. Watifola sekahlanyiswa lutsandvo lwaMzamo. | 5
10 |
| 2 | Phela bekangatenti naye Batfobile. Mzamo bekamuhle. Bekutsi nangabe agcoke iyunifomu yemaphoyisa, imente abe muhle. Mzamo wekutsalwa lapha eSilobela. Umsebenti wakhe bekawutsandza. Anjalo nje becabuye atsandze nalabasikati. 'Mine ngibona sengatsi bungani betfu sebucala kuba netinkinga singakacedzi nje nesikhatsi lesingakanani yeMzamo. Angati nobe uyakubona yini loko?' Kubuta Batfobile, kubonakala kutsi inhliityo yakhe ibuhlungu. | 15 |
| 3 | 'Hawu, yini lena leyenta kutsi buhlobo betfu bube netinkinga ngobe bengitsi mine konkhe kuhamba kahle?' Kubuta Mzamo ngekumangala. 'Usho kutsi nje wena awuboni kutsi awusesuye loMzamo bekangetsembisa liZulu nemhlaba? Kodwa nyalo sewubuya emvakwesikhatsi lengisatiko kutsi ushayisa ngaso. Kantsi nemalanga longena ngawo emsebentini mine angisawati,' kubalisa Batfobile. 'Hha, ungakhulumi ngemanga wena Batfobile! Ngobe wati kahle kutsi ngingena nini emini, ngibuye ngingene nini ebusuku. Futsi wati kahle kutsi mine nginebangani labanyenti. Bayangimisa njalo endleleni nangita lapha efulethini. YeMzamo, ungangenti umntfwana lokhasela etiko. Ngimdzala nangingaka! Uyeva kutsi ngitsini?' Kubhavumula Batfobile. Yena Batfobile sewuncume ucedzile enhlityweni yakhe ngekuma kwalesimo sebungani babo. | 20
25
30 |
| 4 | 'Ngobe awuyikholwa inchazelo yami, utawukholwa lena lewuyitjelwa ngubani? Asewungitjele Batfobile? Angeke ngiyikholwe lena lengiyitjelwa nguwe ngobe vele ingemanga. Nawe uyakwati loko, nembeza wakho uyakulahla kulentfo loyishoko.' Ekucaleni inhlaho yabo beyiyinhle. Bonkhe bangani babo bebafisa kutsi sengatsi nabo bangaphila lemphilu lemmandzi lephilwa nguletitsandzani. Bebasibonelo lesihle ebantfwini labasacala kutsandzana. Lutsandvo lwabo lwashisa tikhotsa lusacala. Lwakhula ngesikhashana lwaba ngange tintsaba teLubombo! Kodwa kutsite emva kwetinyangana nje lwagucuka lutsandvo lwabo lwaba netinkinga letinyenti. Tintfo besetenteka ngalenywe indlela. | 35
40 |

5	Emcondweni waBatfobile kubuya teluleko latinikwa ngumngani wakhe lasebenta naye lekunguLungile Mkhonta. Phela Lungile naye wekutsalwa lapha eSilobela. Bekamati kahle Mzamo kutsi uluhlobo luni lwemuntfu. Wakubeka kwacaca kuBatfobile kutsi Mzamo uganwa kakhulu. Intfo leyenta kutsi Batfobile abe nekumngabata kakhulu Mzamo kungobe atfole umlayeto lotsite kumakhalekhikhini wakhe lawukhohlwe endlini nakaya emsebentini ekuseni.	45
6	Watsi uyawubukisisa watfola kutsi kunemlayeto lotfunyelwe kuMzamo. Acabange kutsi mhlawumbe ngumlayeto lotfunyelwe nguMzamo ngemabomu. Abone kunesidzingo sekutsi awufundze ngobe mhlawumbe uyaphutfuma, futsi ubhalwe nguMzamo njengaloku akhohlwe makhalekhikhini lapha endlini. Watfola kungumlayeto lomfishane wentfombi lekuvakala kahle kutsi itsandzana naMzamo. Batfobile utsi lisoka lakhe limenta silima. Watfukutsela kakhulu emva kwekufundza lomlayeto. Weva afikelwa siyeti, kwabamnyama emehlweni akhe.	55
7	Mzamo wefika wamtfola ahleti endlini yekuphumula eceleni kwakhe kunalomakhalekhikhini. Wavele wabona kutsi timfihlo takhe setiyatiwa. Batfobile wambuta kuMzamo ngalomlayeto kodwa waphika walala ngesisu. Ekugcineni wamtjela Batfobile kutsi lokuncono behlukane ngobe phela yena akasiso saliwakati. Loko kwamtfukutselisa kakhulu. 'Wenta kahle nawuba netintfombi letinyenti. Vele bengiwalindzile emagama lanjalo laphuma kuwe. Bangitjela ngawe kwasekucaleni kutsi uhloboluni. Ngihleti nawe nje ngiyakwati. Hho, kantsi bakutjela? Pho yini lena bewusafuna kuyati?' Kubuta Mzamo.	60
8	'Bengifuna kutsi lelo liphume emlonyeni wakho. Ngingeva ngebantfu bese ngitsatsa tintfo kanjalo. Sewuvile-ke lokuphuma kimi, nobe kusekhona lokunye losafuna kukuva? Akusekho, lalela lapha angisiyo intfo yekusulela ludzaka. Sewutsini yeBatfobile? Bewungati kutsi ngineligciwane lengculazi lengalifakelwa yindvodza yami leyashona. Utsini? Ngiva kahle nobe ngilele ngiyabhudza?' Mzamo wasala emile, amangele angayikholwa lentfo latjelwa yona nguBatfobile.	70

[Itsetfwe encwadzini, *Siswati Setfu*, likhasi 1]

- 1.1.1 Khetsa YINYE imphendvulo. Kusho kutsini kubangelwa umsindvo?
- A Kukhuluma kakhulu.
B Kukhuluma uhlabela.
C Kukhuluma ugijima.
D Kukhuluma uhlafuna. (1)
- 1.1.2 Ngumuntfu lonjani umhlengikati? (1)
- 1.1.3 Nguliphi lelitiko lasebenta kulo Batfobile? (1)
- 1.1.4 Ngusiphi sizatfu lesabangela kutsi Batfobile ancume kuhlala iminyaka lemibili angatsandzani nelijaha? (1)

- 1.1.5 Ngumuphi umsebenti lowentiwa ngemaphoyisa njengobe Mzamo angulomunye wawo? Bhala MIBILI. (2)
- 1.1.6 Nguliphi leliZulu nemhlaba lasho lona Batfobile nawufundza lethekesthi lengenhla? (2)
- 1.1.7 Chaza lenkhulumo letsi, 'lutsandvo lwakhula ngesikhashana lwaba ngangetintsaba teLubombo.' (2)
- 1.1.8 Yini leyafika emcondweni waBatfobile ngesikhatsi sekabona Mzamo angasabuyi ngesikhatsi efulethini? (2)
- 1.1.9 Ucabanga kutsi yini leyabangela Batfobile eve buhlungu ngemuva kwekutfole umlayeto kumakhalekhikhini waMzamo? (2)
- 1.1.10 Bekubangelwa yini kutsi Mzamo atsandzane nalabanye abe akhona Batfobile nawufundza lethekesthi? (2)
- 1.1.11 Yini Mzamo acabange kutsi uyabhudza? Sekela imphendvulo yakho. (2)
- 1.1.12 Kwentani kuphika ulale ngesisu? (2)
- 1.1.13 Bhala lokwenta Mzamo asheshe abone kutsi sewusenkingeni nakabuya emsebentini. (2)
- 1.1.14 Nangabe bekunguwe bewungenta njani nawuva kutsi lomunfu lotsandzana naye uneligciwane lengculazi? (2)

1.2 Fundzisisa lesitfombe bese uphendvula imibuto letawulandzela.

ITHEKSTHI B



[Itsetfwe ku-Bona, Inhlaba 2013, Likhasi 13]

- 1.2.1 Nangabe ubuka lesibonwa lesingenhla ubona kutsi nguyiphi lenzawo? (1)
- 1.2.2 Ngikuphi lokuyingoti nawubuka lesitfombe? Khetsa KUNYE kuloku lokulandzelako. (1)
- A Kusebentisa ikhamera.
B Kukhipha umtimba.
C Kutsatsa sitfombe.
D Kumisa imoti.
- 1.2.3 Bhala BUBILI buhle bekuvakashela kulenzawo lekulesibonwa. (2)
- 1.2.4 Shano imitsetfo LEMIBILI lekumele uyigcine nawushayela imoti kulenzawo. (2)

SAMBA SESIGABA A: 30

SIGABA B: SIFINYETO**UMBUTO 2**

Fundza letheksthi lengentasi bese uyayifinyeta ngemagama langengci kula-60 uvete emaphuzu laphatselene **nekulungiselela umcimbi welusuku lwekutsalwa.**

TICONDZISO

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C**KULUNGISELELA UMCIMBI WELUSUKU LWEKUTALWA**

Lusuku lwekutsalwa lubalulekile etimphilweni tebantfu labanyenti. Labanye benta imicimbi bajabulele tinsuku tekutsalwa kwabo. Nangabe wenta umcimbi kubalulekile kutsi utilungiselele kusenesikhatsi kute utewuba yimphumelelo.

Kubalulekile kukhipha timemo kusenesikhatsi lesanele kute bantfu bakhone kutilungiselela. Simemo sakho asifake indzawo, sikhatsi kanye nelusuku lekutawentiwa ngalo umcimbi. Akumelanga ubeke sikhatsi bese awusasigcini, njengekutsi umcimbi nakumele ucale ngensimbi yelishumi bese ucala ngensimbi yelishumi nakunye. Khumbula kutsi bantfu bayasihlela sikhatsi sabo sekuta emcimbini.

Kumele wati kutsi bangaki bantfu labatawuphumelela kulomcimbi kute kulungiswe indzawo leyanele yekuhlala kwabo, uphindze uhlele kutsi batawuhlala njani. Tsenga kudla kusenesikhatsi, wati nendlela lekutawudliwa ngayo. Kuhle kuba netinhlobo letahlukahlukene tekudla ngobe bantfu abafani.

Kubalulekile kutjela bantfu bakho kutsi kumele bagcoka njani kute bahambisane nemicimbi. Bantfu abahlali balindzele wena, banetintfo tabo letinyenti labatentako kantsi labanye bete letimphahla lewutse abatigcoka sekumele bayotitsenga.

Hlela timphahla takho lewutewutigcoka kusenesikhatsi. Akusiko kuhleleka nangabe kutewufika lusuku lwemcimbi ungakabi netimphahla njengekutfolakala sewutilandza ngelusuku lwekugcina esitolo nobe kulabafungako. Kungenteka utfole bangakacedzi kutifunga nobe utfole etitolo kuvaliwe.

Bantfu labatawukhuluma kulomcimbini wakho kumele ubatjele kusenesikhatsi kute bakhone kutilungiselela tinkhulumo kanye netimphahla lebatawutigcoka. Kuye kube kubi lapho bantfu bangasaphumeleli ngobe ubatjele sikhatsi sesiphelile kutsi batawukhuluma emcimbini wakho.

Akube khona bantfu labatewunandzisa, lokufaka ekhatsi kucula, kujayiva nekwenza emahlanya. Kuye kube mnandzi kubona bantfu sebajayiva ngemculo lohluhlahlukene emicimbini. Utfole labanye sebahleka balunywa tisu.


[Icanjiwe]

SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

ITHEKSTHI D

TSENGA EMATHAFISI KUTE WONGE IMALI!



1. Emathafisi acine njengesikhumba sendlovu.
2. Bantwana besikolo batsenga wona.
3. Emathafisi akongela imali ngobe ahlala sikhatsi lesidze.
4. Emathafisi ngiwo kuphela lacinile kwengca letinye ticatfulo.
5. Titsengele emathafisi nawe.

[Itsetfwe ku-*Bona*, Indlovana 2015, Likhasi 17]

3.1 Bobani labangasijabulela kakhulu lesikhangisi? (1)

3.2 Khetsa YINYE imphendvulo. Lenkhulumo letsi, 'Emathafisi acine njengesikhumba sendlovu' kulesikhangisi lesingenhla inasiphi sinongo senkhulumo?

- A Sihabiso
- B Sifaniso
- C Sicatsaniso
- D Simunfutiso

(1)

- 3.3 Yini lekhomba kutsi lethekesthi isikhangisi? (1)
- 3.4 Bhala ligama lelenta lenkhulumo ye-4 kutsiwe itsatsa luhlangotsi. (1)
- 3.5 Bhala KUBILI lokwenta lokhangisako ababate emathafisi. (2)
- 3.6 Kungani lokhangisako afake indlovu kulesikhangisi? (2)
- 3.7 Faka ligama lelisesikhangisini endzaweni yeligama lelidwetjelwe:
Bantfwana besikolo batsenga wona. (2)

[10]

UMBUTO 4: IKHATHUNI

Fundza lekhathuni bese uphendvula imibuto letawulandzela.

ITHEKSTHI E



[Itsetfwe encwazini yemaCartoons, Likhasi 6]

- 4.1 Khetsa **YINYE** imphendvulo. Lelibito lelidwetjelwe kulomusho liluhlobo luni? Hawu! Jona letinwele takho ngatsi takadobhaphasi.
 - A Libitombici
 - B Litomfakela
 - C Libitomfutiselo
 - D Libitogcogca(1)

- 4.2 Bhala sibabato lesitfolakala efreyimini ye-1. (1)

- 4.3 Lungisa sipelengi seligama lelidwetjelwe efreyimini ye-4. (1)

- 4.4 Shano kutsi leligama lelidwetjelwe kulomusho longentasi lisitfo sini senkhulumo.
Tami tinwele tiyefana netaSipho. (1)
- 4.5 Bhala siphawulo lesisetjentiswe emshweni lolandzelako.
Ngiyosusa letinwele tami letimbi. (1)
- 4.6 Bhala ligama lelikhombisa kuphika kulomusho lolandzelako.
Hhayi akusito tinwele letisindvonsako. (1)
- 4.7 Bhala indlela yesento lekulomusho lolandzelako.
Uhamba utfukutsele. (2)
- 4.8 Lomnyakato lowentiwa ngulendvodza letsi isayosusa tinwele tayo ukhombisani? (2)
- [10]**

UMBUTO 5: IPHROZI

- 5.1 Fundza lethekesthi lelandzelako bese uphendvula imibuto letawulandzela.

ITHEKSTHI F**TEMGWACO**

Emgwacweni lokhululekile akuhambi tigitjelwa letitobako njengabogandaganda, emabhayisikili nobe bantfu labahamba ngetinyawo. Umgwaco lokhululekile uba nebhodi lekhombisa imigwaco lemibili lenelibhuloho ngetulu. Tonkhe timphawu temgwaco lokhululekile tiluhlata kwesibhakabhaka.

Umgwaco lokhululekile uphephile ngobe ute tilwane kumbe imfuyo leyelukako futsi ute lapho imoti ima khona ngaphandle-ke uma kunesidzingo lesikhulu. Kute imoti levunyelwe kuwela lesiganga lesihlukanisa lemigwaco lephambukako. Imoti lengena emgwacweni lokhululekile nalophambukako isebentisa tindledlana takhona letivunyelwe letatiwa ngekutsi ngemaremphu. Emaremphu lawa ayimigwaco lemincane lephambuka emigwacweni lekhululekile. Tingoti tekungcubutana tincane kabi ngobe lemigwaco lebukene ihlukaniswa siganga futsi tinyamatane tesiganga atihambi khona. Tindzawo lapho imigwaco yehlukana khona atikho ngobe imigwaco lebhukulako ihamba ngaphasi nobe ngetulu kwemgwaco lokhululekile. Umshayeli wemoti kumele ahambele ngasesandleni sesancele ngaphandle-ke uma afuna kwengca imoti lesuke iphambi kwakhe.

[Itsetfwe ku-Mnotfo Welulwimi, likhasi 34]

- 5.1.1 Khetsa mentiwa kulomusho lolandzelako:
Kute imoti levunyelwe kuwela siganga.

- A Imoti
B Bashayeli
C Batotobisa
D Bonkhe

(1)

- 5.1.2 Shano kutsi ligama lelidwetjelwe emshweni longentasi likhombani.
'Imoti lengena emgwacweni lokhululekile nalephumako isebentisa tindledlana.' (1)
- 5.1.3 Sebentisa ligama lelitsi 'tingoti' emshweni lotakhele wona. (2)
- 5.1.4 Bhala lomusho lolandzelako ube sesikhatsini lesitako.
'Umshayeli wemoti uhambela ngasesandleni sesancele.' (2)
- 5.1.5 Bhala emagama LAMABILI lamele sibaluli kulomusho longentasi.
'Emgwacweni lokhululekile akuhambi tigitjelwa letitotobako.' (2)
- 5.1.6 Khokha libitomfakela emshweni lolandzelako wakhe ngalo umusho.
'Umgwaco lokhululekile uba nebhodi lekhombisa imigwaco lemibili' (2)
- 5.1.7 Phindza ubhale lomusho longentasi ulungise ligama lelisetibayeni.
Tinyamatane tesiganga atiyi (siganga). (2)
- 5.1.8 Tsatsa sihlanganiso, '**nobe**', utakhele umusho wakho ngaso. (2)

5.2 **SITFOMBE**

Fundza lesitfombe lesilandzelako bese uphendvula imibuto letawulandzela.

ITHEKSTHIG



[Itsetfwe ku-Drum, 2012, Likhasi 21]

- 5.2.1 Bhala letinombolo letisenkhulumeni ye-1 ngemagama. (1)
- 5.2.2 Nika mcondvophika weligama lelidwetjelwe kulomusho.
INingizimu Afrika inemasiko lamanyenti lahambisana netilwimi letikhulunywako. (1)
- 5.2.3 Tsatsa ligama lelidwetjelwe emshweni longentasi utakhele umusho wakho.
Sigcoka timphahla temasiko letingefani. (2)
- 5.2.4 Nika inchazelo yalesisho lesitsi, 'Sishaye sentfwala.' (2)

[20]

SAMBA SESIGABA C: 40
SAMBA SAKO KONKHE: 80